

24
I. N. 7.

45708
16
EXERCITATIO ANATOMICA

Proponens

DUBIA

De

GENERATIONE

VIVIPARORUM

EX OVO

Olim Lectionibus Publicis exposita,

Quam

Amplissimæ Facultatis Medicæ Consensu,

PRÆSIDE

PHILIPPO JACOBO Hartmann/

Phil. & Med. D. Prof. & Adjuncto, nec
non Historiarum Profess. Publ. Ordinario,

Examine Eruditorum submittit

MICHAEL Kirchdorff/

Reg. Prussus

IN AUDITORIO MAJORI
ACADEMIÆ REGIOMONTANÆ

Anno 1699. d. August.

REGIOMONTI,

Typis FRIDERICI REUSNERI, SER. ELECT. BRAND.
ET ACAD. TYPOGR. HÆREDUM.

V I R O
PRÆNOBILISSIMO, AMPLISSIMO, CONSULTISSIMO
atque EXCELLENTISSIMO
DOMINO
CAROLO FRIDERICO
LAU,

J. U. D. Serenissimi ac Potentissimi
Electoris Brandenburgici Consilario
optimè merito,

Advocato Fiscī per Borussia
Vigilantissimo,

Consistorii Sambienſis Aſſeſſori
Graviſſimo,

MÆCENATI, PATRONO ac FAUTORI
SUO MAGNO,

Hanc Exercitationem in ſui ſuorumque ſtudiorum
ulteriorem commendationem,

Submiſſe conſecrat,

MICHAEL Kirchdorff/
Reſp.

I. N. 7.

ARGUMENTA.

1. Excusatio dubiorum adversus Generationem viviparorum ex ovo consignatorum.
2. Vitellorum in ovaris avium cum vesiculis in testibus viviparorum comparatio in genere.
3. Vitellorum in avibus & testudinibus cum vesiculis in viviparorum testiculis convenientia ratione coloris, incrementi & egressus.
4. Si testes muliebres s. n. ova eniti debuissent, æquè curiosè istud fieret in istis velut in oviparis, aut velut in viviparis nonnullis p. n. de quibus historiae afferuntur.
5. Nota fecunditatis vitellorum cicatrix, vesiculis non convenit;
6. Nec cavitas, post egressum à vitellis in ovario relicta.
7. De conditione cavitatis, à vesiculis, juxta Auctores, elapsis in testiculis vaccarum relictae & ovium nostrae observationes, ubi de facie glandulosorum corporum non semper papilli formi.
8. Magnitudo vitellorum respondet magnitudini avium, non ita vesicularum illi viviparorum.
9. Vitellorum & ovariorum cum vesiculis & testibus viviparorum in paucissimis solùm & communissimis analogia.
10. Missis rationibus analogiae experimenta, quibus Generatio viviparorum ex ovo adstruitur, proponuntur.
11. Quod R. de Graaf. ephemerides generationis cuniculorum ex ovo solus hactenus instituerit.
12. Excusatio dubiorum adversus istas Graafianas ephemerides proferendorum, quum de succi Pancreatici acore adversus eundem non sine applausu veritatis aliis dubitare fuit integrum.
13. Cuniculorum anatomie, ad generationem cognoscendam, sed non operato successu à me susceptæ, in quibus tamen aliqua quedam contra Graafium detexti.
14. De liberiproventu vesicularum in cuniculis etiam fœtis, extra testes; inde nata dubitatio.
15. Dubia ex Graafianis ephemeridibus; imprimis quod secundo tertiove die, signis egressus ex Testiculis manifestis, nuspiam ovum reperit.

A

16. De

16. De ovulis post tertium diem à Graafio in Tuba & processu Uterivivis; deque horum minutie suspectâ, aviumque vitellis minimè analogâ.
17. Ex vesiculis nigricantibus & rubicundis quarto ac decimo à pragnatione die Graafio animadversis dubium.
18. Nostra de vesiculis sanguineis intestibus observationes.
19. Elaboratio seminis muliebris intestibus juxta Nos.
20. Ex ovulis minimis juxta Graafium quarto ac quinto die fluctuantibus, septimo auctis & tenaciter adherentibus, octavo vero & nono coalitis, atque ex placentarum nono die primordiis dubia.
21. Augentur illa dubia ex vasto incremento ovuli farciminali; per cornua unipararum ruminantium ovium, vaccarum, recentissimè imprægnatarum, nullo adhuc intus embryo.
22. Anatome felis recentissimè prægnantis; quâ Graafii putativitæ septimi & sequentium dierum ova in Utero generata demonstrantur.
23. Dubium ex coagulo fætûs nono demum die per modum nubeculae comparente, placentarum fundamentis nullo simulachro fætûs jam nono die jactis.
24. Summa dubiorum contra ephemerides generationis cuniculorum Graafianas; quum nullus alius tales condidit, quod non unius diei observata in pluribus subiectis simul demonstravit, ut pateret ovulum in quo postea fætus, fuisse, quod ex testibus elapsum laxum & liberum se in tubis ac processibus vidisse scribit.
25. Quomodo error in cuniculo & Echino nobis ovula in processibus Uteri conspicienda dederit.
26. De elapsis ovulis in tubis aut in processibus Uteri liberis & laxis rare Historie, imo nullæ apud Stenonem, Malpighium, Swamerdamum &c. contra CL. Bartholinum.
27. Quod fluidi non ovuli aliquid è testibus in tubas digrediatur.
28. Quod tubæ ad fluorem excipiendum s. n. sint destinatæ; ex historiis de fluore illo in tubis infantum.
29. Historie apud alios de ovis intra tubas vel cornua obscuræ.
30. Dubium ex Malpighiana sententiâ de ovulo fœcundo ex confluxu plurium vesicularum.
31. Nostræ observationes de plurium vesicularum coalitu; unde de generatione glandosi corporis in testibus ex plurium vesicularum

- larum congerie : In vetulis
totum testiculorum corpus
glandosum observatum.
32. Illustrantur nostræ de coalitu
vesicularum ex historia CL.
Hoffmanni; quod vesiculae sint
magis cisterne quam ova.
33. Malpighii plurium vesicula-
rum congeries ad corpus glan-
dosum contra Graasium proba-
tur : Densum verò sive stipa-
tum numerum vesicularum ad
supplementum fluoris, non ad
novi ovuli generationem fa-
cere.
34. Quod & Graasii & Malpighii
commentis de lapsu vesicula-
rum ex testibus experientia ac
ratio repugnent.
35. Mihi in nulla anatome tot ute-
rorum ovillorum, suillorum,
vaccinorum &c. diversâ con-
ditione pragnationis, vesicu-
lam in tubam aut cornua de-
ciduam videre aut colligere li-
cuit.
36. Quod Graasius neglexerit pri-
mordia pragnationis annotare
in Cuniculis, quum tamen cor-
nibus Uterorum humore reple-
tis aut tunicis eodem turgescen-
tibus, nec ovuli nec fœtus ve-
stigium animadversum.
37. Graasio ad fidem faciendam de
omni cuniculorum generatio-
nis opere Historia erat præ-
mittenda, imprimis propter

superfætationem; atque par-
tes genitales pro diversâ con-
ditione ætatis, sexûs, subjecto-
rum pragnantium erant exa-
minandæ.

38. Anatome duorum uterorum
ovillorum recens pragnanti-
um nullo intus fœtu conspicuo,
nullo etiam ovulo obvio; in quo-
rum altero cornua humore re-
pleta, & in humore effuso ani-
madversa quasi textura vaso-
rum; in altero vero globus ge-
latinosus accretus cum rami-
ficatione vasorum. Quod si-
miles gelatinosas massas cum
ramificationibus in suillo utero
recens imprægnato observarim,
cujus processus saltem turgidi,
humore intus nondum stagnan-
te. In echini Utero parilis
conditionis sanguinea deline-
atio citra vasorum protuberan-
tiam animadversa. In nullo
vero Utero erinaceorum in Tu-
bis aut processibus ovula reperi.
39. Aliud dubium ex angustiis
Tubarum in quibusdam generi-
bus Viviparorum.
40. CL. Drelincurtii quæstiones
impossibilitatem generationis
viviparorum ex ovo redargu-
unt.
41. Quod historiis fœtuum in tu-
bis aut testibus repertorum ge-
neratio viviparorum ex ovo
non confirmetur.

42. Nec historiis ovorum in Tubis aut cornibus processibus ve Uteri inventorum.
43. De vesiculis extra testes in vagina & per tubarum superficiem atque ligamentorum viciniam visis nostrae historia.
44. Eadem ex Ruyschii, Hoffmanni, & Zwingeri anatomis afferuntur.
45. Quod testium muliebrium naturae glandulosa conveniat excernere humores.
46. Idem probatur ex situ vesicularum in testium parte, ex qua ovum in Tubam ingredi non posset.
47. Quod vesicularum elatio in testibus muliebribus ex abundantia humoris oriatur.
48. Quod ex vasorum deferentium extremitatibus saepius vesiculae progignantur, propter stagnationem humorum.
49. Confirmatur ex Historia de ovis foetae tuba singulari: & ex injectione per arteriam spermaticam preparantem in Vacca.
50. Cuniculi femellae jugum nondum passe, alteriusque quarto à compressione die anatomae nuperrimae, quarum testes, tubae, & cornua ante & post coeli-
- onem examinata fallacias ovorum detexisse videntur.
51. 52. Insignia Doleana experimenta in duobus humanis subjectis, quibus lac siphonis ope per tubas ad testiculos adegit, atque vesiculae exinanivit, mihi non successisse.
53. De communione tubarum & testium in istis subjectis singulari.
54. De injectionibus nostris per vasa spermatica Vacca & ovilla.
55. Dubium aliud ex eo, quod discrimen vesicularum secundarum & sterilium in testibus definiri nequeat: Ubi de eodem principio omnium vesicularum s. n.
56. Quod induratio in albumen non sit nota fecunditatis genuina.
57. 58. 59. 60. Drelincurtii sententia de generatione viviparorum sive humani foetus in ovo exponitur.
61. Adversus proclivitatem naturae in dimittendis vesiculis dubia.
62. Item adversus rationem fecundationis.
63. Quaedam vivipara ratione partus solum esse talia, ratione generationis vero ovipara.



Viviparorum ex ovo generatio, Curiosorum Scholis adeo decantata, quàm plerosque Anatomicorum omnes in assensum traxerit, indoctior videri poterit, qui illam in dubium vocare ausit. Fateor tamen, siue ingenii tarditas, siue experimentorum illa fuerit infelicitas, mihi eandem hæcenus minus certò cognitam: Veniam autem rogo, si qua, meæ scientiæ caliginem claris aliorum luminibus discutiendam sistens, nubem dubitationem offundam.

§. II. Sed quàm *Oviparorum varia* sint genera, præcipuè *avium varia Ova*, ante oculos habuisse autumo, qui *Vivipara* ad istum censum redigere voluerunt. *Liceat igitur vitellos in harum ovaris cum vesiculis in testibus Viviparorum muliebribus conferre, ut quanta horum sit conformitas aut dissimilitudo dilucidè appareat.*

§. III. *In avium ovaris vitelli s. n. & coloris diversi, & diversissimæ magnitudinis; partuique imminentes, flavo potissimum colore insignes, à pedunculis propenduli tunicæ communis rupturam transparente subtus lineâ indicant. Qualia vitellorum etiam in testudine STENONI observata discrimina in Actis Bartholini, ubi ova minima alba, media ex albo flavescencia, maxima croceo colore fulsisse perhibentur, quodq; in singulis ovis membrana, calicis more illa continens, rotundo spatio biârit, quæ aliàs in gallinis lineam oblongam vasis vacuam relinquit. H. J. Mihi quoque testudines femellas secanti racemosam ovarii utrinque figuram triangulum efformasse, minoresque vitellos infimum, majores, lupini magnitudine superiorem locum occupasse annotatum maximis infundibulo accumbentibus. Pariter in Lacertis eandem Vitellorum differentiam adverti: Geminum his Ovarium, & Uteri processus gemini, Gallinaceo ad primè conformes, uti in flatio, quâ infundibulum ejusque valvulam sigmoideam conniventem patefeci, demonstrabat: Alterius ovaria singula tres Vitellos majores ostendebant, minusculis quatuor, pluribusve, candicantibus: Alterius singula sex duplici serie, quolibet tres Vitellos suspensostenente, majores; subtis verò inter series & ad latera majorum, viginti minores candicantes, utrinque decem, numerandos offerebant, Grandiusculi ex minoribus flavescere incipiebant, magis minusve, Maximi Vitelli erant paulò infra magnitudinem Vesicularum, quas ex Cuniculis GRAAFIJS Tab. XXVI. fig. 5. exhibet mediocribus ad fig. 4. minoribus ad 3. 2. minimis ad fig. 1. accedentibus*

In tertiâ *Vitelli maximi*, quorum VII. in dextro V. in sinistro Ovario com parebant, *figure Graafianæ* s. magnitudine erant pares: *Minusculorum candicantium* situs, qualis in prioribus traditur. Ast quid istis simile ex *Viviparorum vesiculis intestibus* afferes? Præterquam quod longè aliter communi involuero testes viviparorum, inque iis vesiculæ, obtegantur, quàm avium ovaria ac vitelli: Non liquoris conclusi color; non corporis incrementum; non propensio; non exitus quidquàm cum vitellis commune habet: Constante tamen in oviparis quadrupedibus naturæ analogiâ.

§. IV. Si naturæ intentio esset ovula ex testibus muliebribus eniti, sanè curiosius, aut æquè curiosè, illud in hisce omnibus negotium perageret, ac in oviparis, aut in illis viviparorum, in quibus præter suetum morem hoc molitur: inspiciantur in RUYSCHII Cent. I. Obs. Anat. Chir. ad Obs. 83. egregiæ figuræ plurium vesicularum, ex testibus humani Uteri, cujus tubæ in extremitatibus expansæ & occæcatæ, suis pedunculis pendularum: Legantur quæ Exc. HOFFMANNI exasciata Anatome in Ephem. Germ. An. XIX. ob oculos ponit: Ovarium. -- dextrum -- præter ovula pauca incertâ serie disposita in medio superius prominulam continebat vesicam ovalem eâ præditam magnitudine, quam -- adjecta figura monstrabit, & per membranam ovarium exterius succingentem ad rupturæ usque periculum dilatatam, transparentem, quod ipsum etiam periculum, vix digitis contractato ovario, subiit, prosiliente illicò ex sinu profundo relicto distâ vesicâ ovali, pauculis vasculis sanguiferis retiformibus in sui quasi exteriori centro obductâ, interius autem humore lymphatico nonnihil turbido repletâ, qui tamen priusquàm ulterius ipsius examen nobis instituere licebat, amiculo proprio utpote tenerrimo, aut suapte, aut ab aëris incumbentis pressione rupto diffuebat. H. J. Similis figuræ vesicula in sinistro ovario reperta, sed disparis magnitudinis, & quæ altius immersa, fibrisque firmissimè devincta fuerat. Si quoque lubet, conf. & nostra observatio An. XV. De molâ ex vesicis concreta, ut vesicæ aliis vesiculis numero multis essent prægnantes, quùm in quâdam ultra centum dinumeraremus. Quî itaque, quùm in his, quæ præter intentionem excidere accidit, naturæ analogiæ sit retinens, eadem in illis, quæ certò fine ad idem opus generationis velut in Oviparis vult disposita, istius adeò negligens erit?

§. V. *Vitellorum fecundorum manifesta cicatrix : Vesicularum fecunditatis notam* nec Argus quidem stigmate quodam distinctam viderit. Quodsi *Auctores* adversæ sententiæ *totam vesiculam cicatrici deputant*, demonstrent quæso figuram, tunicas, latices vesicularum cicatricibus vitellorum congruere.

§. VI. *Vitellis elapsis, communis singulorum tunica rupta in cupula formam contrahitur*, vacuo spatio congruam corporis intro quondam contenti sedem apertè commonstrante; nec tunc quidem vestigio hospitii prorsus oblitterato, quando in minimum caliculum sensim abiit: *In Viviparis post elapsas*, uti Auctoribus placet, *vesiculas sive ovula, nullæ cavitates*, quæ singulis singulorum globosorum corporum olim conclusorum loca indicarent; *quin contra ea*, densa *carnea glandula moles* succedit, triplo quadruplo si non decuplo vesiculâ exclusâ grandior, cujus extremitas quidem formâ papillæ aliquando scrobiculum sive foveolam ostendit, sed per quam vix aciculæ patet ingressus, nullo extus hiatu, nullo intus expanso vacuo, quibus cupulæ vel caliculi levissima species referretur; si qua tamen patent, pororum istiusmodi glandosa corpora, sive ductuum, vias ægrè commonstrant.

§. VII. Etenim *variis modis hujus cernodi corpuscula examini subji- ciens, cruda, cocta*, in nullum tamen cavitatis rotundæ ambitum incidit. *Vaccinum, cerasi majoris magnitudine*, apertum ductus specie, medium intercurrente interstitium membraneum frustra stili apice scrobiculos excavatos indagante; tertio à partu die hujus uterum lustraveram. *In aliâ vaccâ, lutea glandulosa testium corpora*, foetu in altero cornu NM. adæquante, in altero verò tres longitudine articulos superante, hiantibus quidem intervallis, qualibus glandulæ conglomeratæ à se invicem separantur, distincta deprehendi; Ut quibus ista corpora ex pluribus vesicis coagmentari palàm est; sed globosam cavitatem vesiculis respondentem nullus vidi; quin *cocta* mutuum, instar vasorum in glandulis memoratis, commeatum tubulorum detexerunt. *Ex aliâ An. 1680. inspexi testiculum alterum* innumeris, vel centum vesiculis distentum, omnibus à coctione in albumen induratis, *altero* glandulosâ carne tumente, vesiculis paucioribus; utriusque verò dissecti Partes, & vesiculares & glandulosas sanguinei ductus distinguebant. *In vacca cujus foetus sesquispithamam longus, corpus luteum*, cerasi figurâ & magnitudine, carnem ostendebat magis compactam, quæque stilo in partes divelli non poterat, nec ità hiabat - *Ovilli autem testes muliebres glandulosorum corporum faciem non semper papilli*

papilli formem sive prominulam, sed sapiusculè planam, etiam ad fecundum cornu Uteri, obviaverunt; solidiora autem in his ista deprehendi: non pauca cocta & cruda, omni cavitate destituta albam modò lineam, quam ductus oblitterati indicem crediderim., à centro quasi versus superficiem mittebant.

§. VIII. Tum *plerarumque omnium avium magnitudini corpus vitellorum ovorumque respondet, naturâ eandem proportionem in Amphibiis aut quadrupedibus oviparis commonstrante; In Viviparis vesicularum cum mole animalis nulla comparatio.*

§. IX. His dubiis, *quàm longè testiculorum vesicularumque in viviparis natura aut habitus ab ovariiis & vitellis avium abeat, ut analogia in paucissimis atque communissimis locum solùm inveniat, abundè liquere arbitror; istâ autem ratione ova & ovipara in omni Naturæ regno obvia πολυμερῶς* GARMANNUS, amicissimus ex curiosis collega, in Oologia verè curiosa præclarè demonstravit.

§. X. Sed hæc missa faciamus, quod *Viviparorum ex ovo generatio experientia magis innititur; nimirum hujus documentis compluribus adstruitur, non minus nascendi rudimenta & incrementa, quæ hætenus Vivipara audiverunt, in vesiculis sive ovulis capere, quàm pulli in ovis; vesiculasque similiter ex testibus per tubas, ac vitelli per infundibulum ex ovario, in uterum descendere. Quid animum nihilominus suspensum teneat, quò minus celeberrimorum Anatomicorum experientiâ persuasus sim, cum pace tantorum virorum edisseram.*

§. XI. Observationes quidem REGNERI de GRAAF, quibus *cuniculorum ex ovo generationem ad dies & horas dimensus est, assensum non rogare, sed imperare videntur: Verum si rectè curiosorum monumenta consului, nemo post Graasium similes cuniculorum ex ovis generationis ephemerides condidit, etiamsi gloria novi inventi alios atque alios vexârit miserè.*

§. XII. Atque utut fidem prorsus denegare aut *Graasianæ ephemerides* suspectas reddere verecunder, de veritate nihi lominus anxius, quæ mihi animadversa recensabo liberè. Nequè laudibus Viri, de re Anatomicâ præclarè meriti, istiusmodi ausus officient; non magis quàm quod *succum Pancreaticum* sedula Posterorum investigatio ab acore immunem genuino saponi restituit; quem tamen GRAAFIUS tanto cum conatu, tanto experimentorum impendio, tantoque cum applausu
acidum

acidum asseruerat, ut novum systema Medicinæ huic quidam superstruere aggressi sint.

§. XIII. *Non paucos cuniculos alui*, sed in veritatis indagacionem non tam felici ac GRAAFIUS successu, neque tam faciles in hymeneos ad numerum celebrandos nactus sum, *plerasque femellas secando steriles* cognovi; *cujusdam præpinguis testes* punctulis tantum distincti, nullis vesiculis elatis, vix pisum majus adæquabant; *Gravida alia*, quatuor embryis foeta, præter puncta vesiculas majores in margine testium prominulas conspicuas patefecit, quarum tres alteri Tubæ exterius ad hærebant, maximâ quæ pisum mediocre referebat medio tubæ dorso incumbente, reliquis duabus non procul ab orificio pendulis; post coctionem modicam maxima limpidum, cæteræ aliquantum inspissatum liquorem reddidère, dum vero accuratè, quantâ potuit fieri sollicitudine, *omnia delineari curavi*, non parum à *Graafianis figuras* testium & tubarum orificiorumque *abludere* didici.

§. XIV. *Suspicio* autem mihi obrepfit, *cum adeo uber* vel in foetis *cuniculis vesicularum proventus*, quo & ad tubæ latera pronatæ, *si non intus eâdem natura facilitate* illas progigni contingat?

§. XV. Sed *ex ipsis Graafianis observationibus* quas capite 16. de Partib. genitalib. Mulierum congestas habes; Ut quæ *de papillis in testibus impregnatarum*, & *de liquore per easdem profiliante* traduntur; tum quod post 27- horas, nullis ovis in uteri processibus repertis, *tunicâ tamen eorundem internâ aliquantulum magis tumidâ*; porro quod post 52- horas dissectis folliculis *materia quasi glandulosa*, in cuius medio exigua cavitas, nequè dùm in oviductibus sive tubis aut processibus quidquam ovorum deprehendere valuit, *internâ tunicâ admodum inflatâ & splendente*: Hæc inquam, quod primis duobus tribusve diebus, cum signa prægnationis adessent, & cavitas glandulosi corporis aliquid ex testibus egressum commonstraret, *ova nuspiam reperit*, aliam viviparorum generationem, alium vesicularum usum innunt; quippè cum GRAAFIUS necesse habeat concedere ex testibus aliquid egressum fuisse antequàm ovum foecundum exierit, quid aliud quam liquor, & ex quibus aliis quam ex vesiculis idem egressus fuerit?

§. XVI. Neque obstat quod post 72- horas in oviductu unum, in processuum extremis *alia minutissima ova vidit*; certè parvitas mihi rem omnem reddit suspectam. Quamvis ipsi ova jamjam è testibus exclusa, aliis ad huc inherentibus decuplo minora perhibeantur;

quo ipso analogia inter vitellos avium & vesiculas viviparorum omnino destruitur.

§. XVII. Tum istud quod quarto die, prater alios, quos masculino necdum semine irroratos judicat folliculos, in testibus quatuor vesiculas nigricantes, ex quibus apertis sanguinis grumus depromptus, offendit, saepiusque in aliis cuniculis idem observavit; pariter quod decimo die folliculus minori praeclatus papillâ ipsi, ob sanguinea vasa per eum sparsa, rubicundior visus; istis moveor, ut non ovi, sed fluvris specie ex testibus s. n. in Uterum quidquàm digredi credam.

§. XVIII. Et mihi quorundam animalium testes vesiculas sanguine distentas aperuerunt: servo adhuc suillos, in quibus admodum conspicuae sanguineae vesiculae; recentissima scrophæ erat impregnatio, quippè Uteri orificio clauso, cornuumque divaricationem sanguinolentâ mucosâ tunicâ obducente, quæ etiam totam amplitudinem processuum ad tubas usque obvelabat, atque tumore & laxitate rugarum hinc inde quasi valvulas conniventes efformabat, tubis cum orificiis majori parte pariter sanguinolentis; in hujus testibus præter albas & carnosas solidioris compagis glandulas, vesicula sanguinea post coctionem aliquid cruenti coaguli per foraminulum extrusum ostendebant; exempto cruore eadem cavitas erat quæ vesicularum. Olim etiam fœta sex porcellis testiculum exhibuit inter plures alias vesiculas duabus sanguineis memorabilem, harum altera cruda incisa merum sanguinem effudit, cocta vero altera divisim cruorem & albumen ostendit; suis tunicis utraque gaudebat æquè ac quævis alia vesicula. Recordor quoque Matronæ, cui difficili partu culpâ Obstetricis Uterus ruptus, foetu in cavitate abdominis reperto, testiculos pluribus vesiculis minoribus sanguinolentis fuisse interdum singulos, unâ pisi magnitudine in dextro prorsus sanguineâ.

§. XIX. Quæ monumenta me eo ducunt, ut ex sanguine à spermaticis transmissio in testibus hac ratione semen muliebrem elaborari putem, ut quod per parenchymatis membranam glandulosam in vesiculas fecernatur, secretum dein excernatur; Vesiculares enim testium muliebrium partes epididymidibus virilium respondere arbitror.

§. XX. Sed & alia GRAAFII observationes meum assensum suspendunt, quando non solum quarto die in processuum capacitatem ova innatare, sed & quinto die diversis partibus tam laxè incubuisse refert, ut solo flatu quaquaversum fuerint propulsa; septimo verò die mirandum scribit, ova iam exiguo temporis spacio tantam liquoris copiam

copiam imbibisse, ut quæ antea facile, jam difficillimè ex utero desumerentur; Et post hæc octavo ac nono die fatetur ova amplius eximere se non valuisse, animadversis nono die placentarum primordiis. Quomodo enim tantæ minutiae ovulum cavitati processuum vel cornuum ullo statu prægnationis congruet? quibus haustribus humorem imbibet? quâ ex parte, quibus ductibus humor cornuum in illud ipsum derivabitur? quibus vinculis in nutritionem & auctionem animalis alligabitur aut concresecet?

§. XXI. Quorum dubiorum pondus longè gravius experieris, si *aliorum viviparorum, uniparorum ruminantium imprimis, uteros recentissimè impregnatos* accuratius expenderis: horum processibus aut cornibus, nullâ ad huc dum fætûs imagine comparente, quantis, quantis liquore distentis, quale miraculum, quod punctulum illud ovi intra paucos dies, per tam amplam cavitatem expansum, tantam copiam liquoris citra sui corruptelam imbibit? *Qualem metamorphosin dices, quod intra istud intervallum temporis ex ovo farcimen, ex ovali tunica puta allantoides prodiit? In cuniculis, leporibus, felibus & similibus, castoribus, gliribus, muribus &c. poterat adhuc ratio incrementi conciliari, quum in his non sit immodicum, cellulisque distincta ovula arctius sint inclusa; verum qualis unius ovuli fæcundi proportio est ad ovillorum uterorum cornua, cum in uniparis hujus generis per utraque, licet non æquè prorsus, ovulum illud expandi autopsia doceat.*

§. XXII. Sed enim ova quæ *GRAAFIUS* se 8vo ac 9no die ex cuniculorum utero eximere amplius non potuisse, fatetur, illa non ex testiculis esse elapsa mihi videor comperisse, quando hoc ipso anno in *selem recens impregnatam* incidi: In utroque processu Uteri protuberantes nodos adverti, duos majores in dextro, in sinistro totidem minores, diversis intervallis, in altero propius, in altero à tuba remotius, inter se autem trium transversorum digitorum intercapedine. Exterior species figura sexta Graafiana in Tab. XXV. congruebat, nisi quod nostræ nodi prorsus essent globosi, æqualiter undique extantes: Summâ curâ processum, in quo majores nodi, aperiens, siccis reliquis partibus, suspensâ manu, cautoque forficis & cultri ministerio utens, non potui tamen quin tunicam læderem quum ad nodos esset perventum, *crystallinusque humor* effundebatur; Nec flatu hanc jacturam evitare potui, dum alterum ovum integrum hoc modo protrudere satagebam. *Liquorem autem*

effusum & nodorum recessus lustranti nullum foetus rudimentum occurrit : Apice tamen styli tunicam leniter ab utero avellere, & quomodo placentæ firmissimè, magis quam Utero, ad hæresceret, demonstrare datum. *Alterius processûs nodos minores* pariter dissecui, sed *in his nullus latex crystallinus*, nec quidquam aliud in eisdem deprehensum quàm rudior, obscuriorque, ac in majoribus, placentarum delineatio. *Testes* toti carneo glandulosi; *Iste, qui ad processum in quo majores nodi*, duo corpora protuberantia globosa majora; *alter vero* duo minora præter alia minima exhibebat : Hactenus anatome. *Ast ex vacuis nodis, in que iisdem placentarum primordiis, nullo ovulo, nullo foetu*, quid aliud colligere licet, quàm putatitia testiculorum ova ista quæ à GRAAFIO eximi non potuerunt amplius, esse ab Utero, semine Masculino in vitam hærente, cujus argumenti plenam demonstrationem alii tempori servamus.

§. XXIII. Accedit, quod per octo dies nihil nisi limpi dissimum liquorem, nono demum in hujus medio nubeculam quandam raram & exilem sive foetus futuri stamina innatare conspexit, internâ cellularum Uteri substantiâ jam placentarum rudimenta detegente : Verùm non tam tarda in pulli generatione naturæ sunt molimina : & unde placentarum rudimenta ? non ab ovi tunicâ ; si ab Uteri, cur non & ovi ab eadem primordia petamus.

§. XXIV. Ut in pauca circa Graafianas generationis cuniculorum phemerides dubia contraham, GRAAFIO gloriam successorum experimentorum in hoc naturæ scrutinio sibi soli vindicante, quum nec Harveus, nec Malpighius, nec Steno, regiis sumptibus adjuti, isto successu fuerint gavisi, ut viviparorum, quemadmodum oviparorum, ex ovo generationem ad horas & dies dinumerare noverint, id quod GRAAFIUS in cuniculis præstitit ; incertum puto, an ista quæ vel intrâ tubas, vel intrâ processus, vel intra Uterum ipsum sibi visus est videre ovula, eaque libera & laxa, fuerint illa ipsa in quibus postea foetus erat formandus. Præsertim quum GRAAFIUS vel neglexerit, vel non voluerit in pluribus subjectis, eodem articulo temporis imprægnatis, idem observare, sed e. g. in una primò die istud, in alia altero die illud, in illa tertio die hoc se observasse scribit. At valor inductionis ad formandum novum placitum requirebat, ut in tribus, quatuorve, aut pluribus ejusdem dici observata concordassent ; Uti pullorum generationis phænomena tali experi-

perimentorum numero omnibus pervasa sunt : Adeoque GRAAFIO illud, quod una hirundo non faciat ver, meritò oggeri potest.

§. XXV. Tum novi, *qualis error secantibus accidere queat, quando & me in cuniculo quodam & in echino similis decepit*, dum lapsu cultri, aut alio quocunque casu, proximè adfuitas vesiculas in processus apertos decidisse memini, in quibus paulò antea accuratissima inquisitio nullas tales deprehenderat; quas nec conditio animalis asserere foecundas sinebat : *Historia de femella echino* ista est; altera à partu die sextæ, utero collapsa, in isto cornu unius, in illo trium placentarum signa supererant, specie vasorum sanguineorum protuberantium; ovario pauca inerant ova, sed tamen *intrà alterum processum tria ovula*, ut ita cum Auctoribus loquar, ejusdem per omnia cum illis quæ in testibus figuræ & magnitudinis, triangulum suâ cohæsiōe efformantia, *offendi*: quæ certè congressûs aut prægnationis vi extestibus elapsa neutiquàm dixeris, quum mas interea temporis abfuerat.

§. XXVI. Neque meæ experientiæ tantum tribuerem si non summa Anatomicorum ingenia, MALPIGHIIUM & STENONEM intelligo, *industria & attentio pariter in hoc negotio destituisent*. Quod enim CL. BARTHOLINUS in tractatu de ovario mulierum dictitat, *non infrequens esse ova in tubis delapsa reperire*, ignoscat Vir Exc. si ego meum infortunium in experiundo aut in legendo excusem, cum nec intueri eadem, nec aliis tam crebro visa in monumentis scriptis legere datum fuerit. Certè MALPIGHIIUS in dissertatione *cruditâ, quod autopta in Tubis ova libera & laxa cognoverit, minime commemorat*; nec SWAMERDAMUS gloriæ avidus, notas in Prodigium Hornii hujusmodi historiis exornavit; nec KERCKRINGIUS eadem in cœcis Fallopianis quæsivit; non LUDOVICI, non WILLII summâ attentione digestæ observationes, non STENONIS Magni Ducis auspicio suscepta tentamina quidquam hujus rei meminerunt.

§. XXVII. Quin liquor in Tubis à laudatâ Virgine & ab aliis sæpius deprehensus nobis favet, ut eo propendeamus, non ovi, sed fluidi forma è testibus in tubas aliquid digredi, sive per orificium, sive per alias vias.

§. XXVIII. Sanè *ad fluorem excipiendum potissimum tubas s. n. destinatas*, vel illud arguit, quod humectæ semper internæ earum tunicæ, atque in quibusdam mucosæ quasi obsitæ, id quod *vel in tenellis & recens natis* aliquandò observavi : *secui epilepticam trimestrem anno 1685.*

atque cum vaginam in hymenis distinctiorem demonstrationem inflaremns, ex punctulo hymenis perforati viscosus mucus prodiit, qualis & orificio Uteri firmiter inhæsit, parilisque mucosus liquor ex tubis Fallopiæ post inflationem erupit; insignes quoque ad Tubas à testibus vasorum rami per latum ligamentum exporrecti erant, quorum nonnulli aperti notabili satis albore similem humorem ostendêre, testiculis ovorum plenissimis. In alterius exposita Tubis similiter talem mucum annotavi, utut dispar corporis habitus, nullis vesiculis testiculorum, qui toti carnei, rubore minimè vivaci.

§. XXIX. Quæ apud alios extra GRAAFIUM, de ovis intra tubas vel cornua repertis extant, ambiguitate atque obscuritate viviparorum ex ovo generationem suspectam reddunt.

§. XXX. Certè nimium quantum nostra dubia aucta sint eo, quod MALPIGHIIUS istas vesiculas quæ in testibus prominent, & vulgò præeunte GRAAFIO ova habentur secunda, neget esse talia, ex plurium istarum confluxu ovulum fecundum ad impregnationem novè generari statuens. Verùm summus Philosophus talem plurium vesicularum concursum in novi ovuli generationem, quomodo experimentis manifestum reddere queat, non video.

§. XXXI. Ego in testiculis, coctis præprimis, glandosa corpora minutissimis vesiculis, sub eâdem communi tunica conclusis, cincta, aliquando vero ejusmodi vesiculas papillis insedisse contuitus sum, fœto Utero. Sanè in ovillis testibus corpus istud glandulosum sapius inter vesiculas medium reperi; aliquando & glandulosi corporis superficiei minuta ovula incubuisse annotavi: In cujusdam ovis testiculis glandulosum corpus minimè protuberabat, nec papilli forme ullo modo videri poterat, multumque latens pluribus vesiculis obseffum erat, testiculo, qui sterili cornui adsitus, minimè eisdem abundante. Præprimis autem memoratu dignam censeo Anatomen ovilli Uteri, fœtu duas spiritibmas longo, partuque maturo; in hoc testis minutissimus ad cornu sterile lupini exilioris magnitudine nullis exstantibus vesiculis, sed punctis exiguis grandinum instar translucentibus: ad fecundum latus testis quantus quantus, nil nisi glandula erat, quale quid & in aliis ovium testiculis fœtu adulto comperi; corpusque cerasi figurâ & magnitudine comparebat: ast quum liquorem cœruleum per arteriam spermaticam injecissem, coctum postea glandulosum corpus variis lacunis & stigmatibus plurimas notas cœruleæ tincturæ ubique referebat, ut tamen in vesiculas nulla ejus particula intumesceret. An Argumento hoc erit, glandosa

dulosa corpora nil aliud esse, quàm condensatam plurium vesicularum exinanitarum congeriem, quæ à novi, per vasorum spermaticorum propagines, succi affluxu in vesiculas rursus excitari valeat, si cætera ad sunt, quæ ad generationem laticis hujus adesse oportet? Alioquin in vetulis quibusdam expertus sum testes fermè integros in glandulosam compagem abiisse, vix unâ vel alterâ vesiculâ reliquâ, tunicamque fuisse inductam albam & crassam tot anfractibus ac sulcis divisam, ut quæ cerebri corticem æmularetur, id quod figuræ aliquando divulgandæ ob oculos sistent dilucidius.

§. XXXII. Digna omninò est *anatome*, quam summo candore summoque ingenio consignatam *Exc. HOFFMANNUS* Ephem. Germ. Anno XIX. credidit, ut in cognitionem genitalium muliebrium tota accuratè expendatur, huc autem sequentia solum transcribimus: *Ovarium sinistrum -- ovula multa nostro suggerebat visui, cum primis autem contemplantur quinque ovulorum in unum factum coalitum, (Figura sub lit. h. in testiculo hunc coalitum repræsentat:)* tot namque numerare poteramus arctissimè sibi invicem connata, ut nullum præter lineas adfuerit separationis aut distinctionis indicium. Ad hæc Ovario eidem alius immersa, fibrisque firmissimè devincta cernebatur vesica membranacea, nullis vasculis sanguiferis dotata, sed fusco colore delibuta, intusque asservato liquore lymphatico insarta &c. *H. J.* Quid sibi iste quinque vesicularum vult coalitus, quid illa, uti *CL. Auctor* definit, *hydatis insignior alius immersa?* Omnia syadent fluori hæc à natura in succipleno corpore destinatas cisternas.

§. XXXIII. Rectè autem *MALPIGHIIUS* plurium ad generationem unius glandosi corporis vesicularum exonerationes contra *GRAAFIUM* adstruxit: Ova vero vel singula vel gemina vel plura in glandoso corpore aut circa idem deprehensa, non in generationem novi ovuli foecundi, sed in supplementum liquoris per papillam perforatam aut per alias vias ad Tubas transmittendi tetendisse meritò autumo. Notandum enim quod *vir summus* addat, se in adultis luteis vaccinorum testiculorum corporibus aliquandò ovulum istud invenisse versus centrum & profundius, sæpè vero tantum meatum quendam sive ductum à profundo usque ad papillæ centrum, in quo diaphanus stagnaverit humor. Quæ omnia ovuli transvectionem impugnant.

§. XXXIV. Quocunque se Patroni Generationis Viviparorum ex ovo vertant, lapsi ovuli ex testibus omnia adversa sentient. Experimenta

rimenta in fidem idonea hæcenus nemo adduxit : Quis enim ex connivente aut hiantе testiculi tunicà vesiculam in fugà deprehendit? Quis ex fugà retraxit? Quis in ovi ductûs sive tubæ fimbria primum ingressam vidit, apertâ adhuc veteris hospitii janua? Atquè in multiparis Viviparorum non minus hoc observatu possibile quam in oviparis. *Rationes* verò mirum quàm oblucentur, & omnem fidem adimant; *sive GRAAFII expulsion* in per modum inflammationis atque apostematis cogites; cui quid in vitellorum exclusionе natura oviparorum simile moliat, mihi edisseri vellem? Pus ita præter naturam extrudi; meliceridum, steatomatum, atheromatûm ovula ita excludi novi non item vitellos generationis operi dicatos: *Sive Malpighii commentum singulare* attendas; facilior longè ex liquore genitali intra Tubas & Uterum ovuli talis generatio, quàm intra testes ex plurium vesicularum confluyente latice. *Atqui de-*
mus ita generari intra testes ovulum, quid erit quod illud novè na-
tum mox expellet? non ponderis incumbentis pressio; non ovuli crescentis expansio; quî ergo in sede suâ non hærebit, uti alias plerasque omnes vesiculas in testibus commorari videmus? Nullus video, quæ ex illis difficultatibus eluctandi sit via?

§. XXXV. *Mihi omnis generis animalium uteros imprimis ovillos, suillos & vaccinos diversis pragnationis conditionibus incidenti innumeræ, nescio in quibus non partibus, extra testes visæ vesiculae, sed nulla vesicularum unquam occurrit, quam s. n. in tubam, aut cornua descendisse omnibus accuratè expensis colligere potuisssem.*

§. XXXVI. *Ad pragnationis autem primordia, quæ tum ex testium glandulosis ac quandoque papilli formibus corporibus, tum ex orificiî Uteri constrictione collegi, subinde attendi; id quod GRAAFIUS in generatione cuniculorum annotare neglexit: intererat autem numeranti horas & dies & istius meminisse. In ejusmodi recenter imprægnatis, cornibus ipsis sæpius humore repletis, sæpius & tunicis eodem turgescitibus, nec ovuli tamen nec foetus vestigium animadvertum.*

§. XXXVII. Certè fidem majorem Ephemeridibus Generationis cuniculorum GRAAFIUS conciliasset, si *Physicam historiam de omni cuniculorum Generationis opere præmisisset.* Notum enim quod lascivum & petulans hoc genus animalis *superfætationis* à plerisque Auctoribus arguatur: Quomodo Ephemeridibus certa numerandi ratio constabit, si in subjectis, quæ GRAAFIUS cultro subjecit, eadem obtigerit? Atque quum Generationi cuniculorum totam viviparorum generationis ex

ovo doctrinam superstruere aggressus erat, plus sanè lucis veritati intulisset, si partes genitales feminini sexus distinctius examinasset, illaque quæ eis acciderent enarrasset plenius; Accuratio autem femellas pro diversa conditione ætatis & sexûs inspicere voluisset; quæ testium, tubarum, Uteri, quæque vasorum in tenerrimâ, virginali, quæ in effatâ, aut sterili, fuisset facies? an ulla prægnantium varietas? an subjectorum? ut istâ ratione in memoratis partibus genitalibus liquor copiâ aut qualitate variârit?

§. XXXVIII. Verum juvabit unam atque alteram ovillorum uterorum recentissimâ prægnatione historiam ex anatomis anni 1685. & 1692. adungere; utriusque orificium, & collum minus præruptis cartilagineis quasi asperitatibus clausum; dissecta cornua illius anno 1692, turbidum ex albo humorem, cui & albicantes particule innatabant effundere; tentavi si qua tunicarum, chorii imprimis, distinctio flatu aut blandâ divulsione indagari posset, & exiguam portionem ægrè separavi; cotyledones tamen planiori facie per tunicam transparebant, similiter uti & alterius anni 1685. Verum ut ut summâ aciei oculorum intentione factus rudimentum scrutarer, nullibi vel minimum corpusculum intimæ tunice adhæsisse aut incubuisse deprehendi. Effusum humorem vitreo vase exceptum ubi attentius perlustrabam, vasorum quendam contextum distinctis ramis observâram, sed contextus ille neutiquam sanguine turgidus erat, ramos tamen erat discernere, & integra textura ad minimi articuli longitudinem accedebat. Tubas quoque pari sollicitudine introspexi, nullum ovulum obvium redditum. In altero anni 1685. dissecta cornua non quidem humorem effundebant, sed in uno horum tres digitos transversos à Tubæ confinio cotyledoni cuidam extantior particula incumbabat figurâ & magnitudine ovuli, quale apud GRAAFIUM ad caput 16. Fig. III. aut IV. sed minimè libera erat hæc particula inferiori sui parte, nec tamen circum circa eandem cornu complexum fuerat; truncus sanguineus erat insculptus, qui ab utroque particule latere ramulos dimittebat, subius sub ramusculis sanguineis aliquid gelatinæ pellucebat, quæ dissecta minimè difflebat, ut non aquâ distentam vesiculam autumes: In eodem huius Uteri cornu aliquot adhuc stigmata sanguinea oblata, sed citra ramorum expansionem, & citra gelatinam subjacentem: In cornibus autem & Tubis ovulum nuspiam occurrit. In teste huic cornui adfuit due vesicula maxime coherebant altè membranis oblectæ præter alias minores, sed à Tubæ limbo planè averse cui portio glandulosa erat

erat objecta. *In illustrationem gelatinæ hujus, quam nos alibi genuinum fœtura primordium in viviparis demonstraturi sumus, addam ex Anatomis anni 1683. de scrofâ, recentissimâ pragnatione, cujus orificium Uteri clausum: sed ad divaricationem processuum, non procul ab antro communi, in utroque processu trium quatuorve gelatinosarum massularum distincta series; sanguineis fibris omnes erant notabiles; totus quidem Uterus intus similibus quoque obductus erat, verum non tam denso numero, nec tam amplis vasis, nec in massis gelatinosis: Difficui massas, sed nihil ex illis limpidi liquoris effluxit: Destituebantur autem processus hi humore, saltem quod turgidi essent, ovulum autem nec in ipsis nec in Tubis deprehendi, licet sollicitè inquisiveram. Speciosa autem erat testium facies, quippe in quibus, instar acinorum uve ex racemo pendulorum, denso ordine vesiculæ dispositæ erant, ut integri testiculi mera vesicularum congeries comparerent. Sed in Echini utero, parilis conditionis, uterque processus sanguineam tantum delineationem, citra ullam vasorum extantiam, impressam ostendit, testibus plurima ova offerentibus, interquæ duo sanguineis notis insignia; Cæterum nec in his processibus ovulum animadversum. Pluresque femellas ex Echinis culcro subjeci, ut quarum ovarium ad Avium, imò ad Piscium illud proximè accedit, si quæ ovulorum ex testibus, qui prorsus fimbriis Tubarum sunt involuti, exitum investigando detegerem, aut in processibus, si non in Tubis, quarum summa exilitas, eadem obvia haberem, verum iilusa omnis opera.*

§. XXXIX. Tum haud nihil est, quod tanta angustia sint Tubarum in confinis processuum uteri non paucis viviparorum, ut aliquibus cæcæ sint visæ. Aliquando flatum hi angiportus vix transmittunt, adeoque nec seminio papaveraceo patebit transitus. Easdem tamen in cuniculis supra modum aliorum viviparorum, amplas ex anatomis cognovi.

§. XL. Si quoque accuratissimi Drelincurtii quæstiones expendo, nescio, annon magis rei impossibilitas illis redarguatur, quam veritas adstruatur; ipsum Oedipum istis sphingibus relinquimus.

§. XLI. *Historia fœtuum in Tubis aut testibus repertorum, quæ in causæ patrocinium à quibusdam adducuntur, non confirmant generationem viviparorum ex ovo, sed dubiam eam relinquunt, quando & in ventriculis, & in intestinis, fœtus p. n. deprehensi; præterquam quod in historiis istis alia atque alia jure desideres.*

§. XLII.

§. XLII. Sanè *in Tubis aut Cornibus processibusve Uteri inventa ova*, modo idoneis historiis adstrui queant, de quo §. XXIX. addubitavimus, vel ex hoc parùm momenti addent, quod ubique istorum p. n. obvius proventus, tam intra uterum & ejus partes, quam extra; saltem in memoriam revocentur de vesicularibus molis, quæ ab eruditis sunt tradita, quæque §. IV. attigimus.

§. XLIII. *Mibi vel in vagina ovilla tales vesiculae occurrerunt; servoque aliquot uterorum senilium humani generis figuras*, quæ plures extra testes ob oculos ponent; *In matrona 66. annorum, uteri scirrho defuncta*, variis in locis ad Tubas, & in ligamentis juxta uterum vesiculæ, sed albæ & scirrho jam induratae: *in asciticâ vetulâ* foliaceo ornamento tubæ ovulum adhærens vidi; *in aliâ asciticâ, cujus tubarum orificia clausa erant*, per viciniam ligamentorum, & per tubarum superficiem vario lusu à naturâ diversæ magnitudinis vesiculæ sparsæ hærebant.

§. XLIV. Merentur sanè ex *ingeniosissimi Ruyschii Centuria Anat. Chir. Obs. in rei veritatem conferri obs. 83. Sterilitas è Tubarum Fallopiarum clausurâ*, superius tactâ; Tum Obs. 33. *Placentam uterinam in hydatides degenerantem sistens*; & 17. *Hydropem è congerie hydatidum sacco inclusarum*; Uti 17. *Hydropem ovarii muliebris, ovo in p. n. tumorem degenerante & valdè extenso*. Integrum volumen istiusmodi historiis esset implere, si nostrum istud foret institutum. Addo tamen laudatam *Exc. HOFFMANNI anatomen in vagina ejusmodi vesiculas detexisse*; *Vagina, ait, tunica interior, in orbem commeantibus rugis exiguis inæqualis erat, subque illa leniter incisa glandulae ovales plurimæ obtutui patebant, post pressionem liquorem albicantem spumosum eructantes*. Quamvis & *Exc. D. ZWINGERI alia observatio l. c. illustris extet, de Hydrope ovarii muliebris dexteri, tubâ ejusdem lateris oblitteratâ*.

§. LXV. Si quoque *compages testium muliebrium glandulosa* penitus introspiciatur, conveniet magis ut aliarum glandularum ad instar & hi secretos suos humores per ductus exonerent s. n.

§. LXVI. Hoc præprimis istò persuasum habeo, *quod partem in testibus talem vesicularum situm advertam, ut impossibilis in Tubam ex illo loco sit descensus*: ita in vaccino conspexi vesiculam, quæ aversâ facie limpidiori insigniter protuberabat, neque à Tubæ fimbriâ poterat comprehendi, cum intergerino pariete ligamenti ab eadem excluderetur;

si qua tamen quid quam hujus vesiculæ tubam ingredi debuit, per latentes ductuum insertiones istud fieri oportuit.

§. XLVII. *Quod autem muliebres testes in vesiculas extolluntur, ut puto, abundantia humoris facit; ex eo etiam singula subjecta, & species singulas multum numero & magnitudine vesicularum testicularium variare quotidie comperimus; e. gr. testes prorsus botryoideos in aliis suis non observavi.*

§. XLVIII. *Accedit quod vasorum deferentium extremitates ad Tubas & proxima uteri loca sæpius vesiculas efformarunt, uti Anatomæ docent; utique ex humoris stagnatione.*

§. XLIX. *Memorabile quod nuperè mihi altera tuba ovis fœta sacculum phascoli minoris specie obtulit, flatibusque & injectionis ope dum tubam inflo aut trajicio hunc sacculum intumuisse vidimus, & jam antea liquore erat plenus; lateri autem tubæ accumbebat, uti sceleron, quod possideo, demonstrat; tubæ vero pars altera, quæ à sacculo versus cornu tendebat oblitterata in membranam concesserat. Sic injicienti per spermaticam præparantem vacca arteriam TRam Gummi Guttae, pleraque cirsoidea vasa, vesicularum & ovulorum formam propè testiculos induisse visa, liquore stagnante. Sed priori ovillo sacculo similem olim ad latus Tubæ etiam in vaccâ observavi, qui lacte per Tubam injecto notabiliter quoque intumuerat.*

§. L. *Nescio an huc quadret, sanè dubia adversus GRAAFIUM adducta augebunt, nuperrimæ hoc anno cuniculorum femellarum anatomæ. Persuasus fueram de alterâ, recentissimè imprægnatam, sed falsus sum, sterilis erat, nec jugum passa. Figura Uteri conveniebat GRAAFIANÆ in Tab. XXV., nisi quod orificia Tubarum prorsus aliena, quæ nostræ sensim gracilescerant; aliena quoque testiculorum facies botryoidea: Cæterum collum Uteri minus amplissimum, cujus orificium digiti mediocris capax erat, antrum vero instar sacci expansum; incisa cornua sulcos inter glandularum quasi series patefaciebant; ex Cornibus facilis stilo ad tubas aditus, facilis quoque ab orificiis tubarum ad cornua inflatio ac injectio; Testium unus punctum nigricans ostendebat; cætera utrique Testiculo corpus æquale, majorem partem carneum, nupiam protuberans, variis vesiculis interlucentibus. Dum testiculos cum tubis coqui curo, coctarum Tubarum alteram contuitus, en, per jocum ajo, tubam ovis infartam, etenim per tubam hanc undique album coagululum transparebat; lanceolâ anfractuum coarctationes incidens, plures globulos*

*globulos albuminis concreti, quod ab illo vesicularum non erat discernere, facili negotio eximo, ut copiam grumulorum postea mirarer; diversæ autem erant magnitudinis & figuræ, prouti anfractuum intercapedo laticem genitalem coacervari, atque coctione constringi permiserat. Ex alterius tubæ anfractibus gelatinosus quidam mucus prodiit, sed minus condensatus; sive aqua, quam injeci, sive quæ inter coquendum incisam hanc subintravit, genitalis humoris gelatinam diluerit. Utique, lique-
 re credo, quàm præconceptis opinionibus istiusmodi eventus favcant; imo quàm curiculorum tubas genitali latice stagnare contingat; quin quomodo ex gelatinoso isto humore facilè ovuli species consistere casu queant. Sed ut ejus non obliviscamur, dum vivæ secaremus vaginam, ex hac multum feminini fluoris dimanabat. Prægnationis autem nala sive in testibus, sive in tubis, sive in cornibus, sive in collo minori erant indicia. Punctum illud nigricans coctum sanguinis grumum dabat. Alteram verò, admissarium tuniculum tandem nactus quartâ a coitione die vivam itidem anatomico cultro aperui, motum Tubarum & Fimbriarum denuò exploraturus. Sed nec stricturis, nec puncturis lanceolæ, nec aquâ ferventi in ullos motus numeros easdem excitare valui, ut ut Uterus illis stimulis & in hac & in priori commoveretur valde. Cæterum prægnantem hanc cervix Uteri interna, sacculusque antro prætensus, præ virginali alterâ parte angustiores indicabant; Cornuaque fota stagnantis sanguinis vivaci rubore perfusa, aliquibus in locis incisurâ leni quasi in cellulas diremta; ipsæque Tubæ saturâ vitalis laticis purpurâ pellucebant, ad levissimam incisionem guttas sanguinis exsudantes: Cornuum ab antro ingressus in virginali utero patentior, in hoc arctè clausus, ut ægre stili minimi capitulum admitteret; sed eorundem in tubas egressus, & stilo & tubulo facilem largiebatur aditum. Testes maximam partem carnei, singuli tribus GRAAFIO dictis folliculis sive glandulosis corpusculis asperierant insignitis, raris & latentibus vesiculis, eisque exiguis; ex margine fimbriæ alterius duæ nitidæ & duriculæ suspensæ erant; Nulla verò ratione facies horum testium figuræ GRAAFIANÆ Tab. XXV. congruebat; Orificiis quoque Tubarum idem Schema redarguentibus; quando & errorem deprehendimus, quo GRAAFIUS tam amplum infundibulum exsculpi curavit; Si quidem ad flatum per tubulum, quo orificia aperiebamus, cucullus quo testes unâ involvuntur, similem offerebat speciem; Orificia autem mini-*

mè isto ambitu expansa in Tubas gracilescere, luculenter ob oculos posuimus. Sed ut ne ova perlustrantium aciem effugerent duplici viâ eorum indaginem aggressus sum; Alterius lateris Tubam & cornu cruda forfice accuratè patefeci, verùm nullum in cornu limpidum liquorem, saltem sulcos, qui series glandularum dirimebant, udos offendi; tribus transversis per intervalla spatii sanguineorum vasorum ramificatione sub tunica latum annulum adumbrantibus, in futura, ut puto, embryorum hospitia. Præter hæc, quantâcunque curâ circumspicerem omnia, nullum vel fœtus vel ovuli indicium occurrit: Nullum, inquam ovulum, sive laxum sive adstrictum, vel in cellulis sive placentarum regionibus, vel alibi uspiam comparuit: Apice tamen lanceolæ blandè glandularum series divellens, glandulam quandam oviformem eduxi, quæ tamen nec humore turgebat, & pedunculo quasi suspensa Uteri tunicæ firmiter adhærebat. Postea coctum cornu summâ aviditate contemplans ingressum ejus arctissimum adhuc reperi, intus insigni cavitatis amplitudine, contractâ à coctionis calore ejus compage; Verum egregium atque jucundissimum spectaculum series glandularum exhibuere, innumeris ovulis albis, quasi spiculis erectis totidem affixos cernereres globulos: Interstitia tria & in hoc à reliquis partibus rubore erant distincta. In tubis autem, crudâ & coctâ, mucus solum comparuit; crassus & copiosus satis, sed qui inter coquendum non istam albuminis faciem induerat, qualem in Prioris coctâ tubâ alterâ conspeximus, griseus erat qui lanceolâ excipiebatur, minusque compactus; Ubi processibus inseruntur, tubarum tunica ad illam Uteri glandulosam accedebant. Quàm vellem secundum GRAAFIANUM Calendarium mihi plures femellas secandas obtigisse, ut quantum fidei ipsi tribuendum constaret plenius; Sed non omnia possumus omnes, nec omnia fert omne tempus. Primis autem errorum meandris detectis, confido me & reliquas investigaturum, quàm primum copia facta fuerit, successivis Graafianarum Ephemeridum experimentis paria opponere.

§. LI. Exc. DOLÆI curiosissimum experimentum, quo in fœmina 30- annorum, hydrope ascite defuncta, ductui Fallopiano siphonem lacte repletum intrusit, & effusum lac ad ovarium seu testes usque pervenisse jucundo spectaculo vidit; quod genus experimenti quoque in ancilla 18. annorum, cætera sana, nisi quod esset hæmoptoica, eodem successu repetiit; mibi in nullo subiecto successit, licet in pluribus, ovillis præ-

præcipuè, *tubis* illud tentaverim, urgendo, donec in aneurismatis modum tandem tubarum tunica divellerentur.

§. LII. Multò minus illud videre licuit, quod idem *Vir Curiosissimus* addit; cum repetiisset hunc laborem, omnes vesiculas, quæ antea fuerunt integrae, evanuisse, & lac cum humore in istis vesiculis contento refluxisse.

§. LIII. Mirabilem prorsus oportuit fuisse tubarum & testium in istis subiectis communionem; optandumque foret distinctam vasorum demonstrationem fuisse additam, per quæ scilicet iste, ex tubis ad testes & testium vesiculas, com meatus lacti injecto concessus? Sanè vasorum deferentium & omnem testium naturam egregiè hæc phænomena patefecissent, ut quibus manifestum redderetur, non solum per tubarum orificia vesiculas suum liquorem deplere, sed & per vasa deferentia, quæ testiculos muliebres permeant.

§. LIV. Feliciter quidem per vasa spermatica, injectionum ministerio, unâ vel alterâ encheiresi adhibitâ, discipulis monstravi sæpius, quomodo lacteus ex his liquor non solum tubas ingressus, sed & ad cornua uteri promptè descenderit: in ovillis expeditius ista experimenta suscepi, difficilius in vaccinis: eloquuntur autem anatomæ, quod per vacca ejusdam arteriam spermaticam præparantem, longè à testibus recedendo, TRÂ Gummi Gutta injectâ, omnia vasa versus tubam tendentia turgere atque in conspectum prodire cæperint, apertâque tubâ non solum madorem exiisse, sed & ad cornua liquorem com meatasse contuitus sum. In ovillam autem spermaticam cæruleum liquorem injiciens, non modo ad tubam, sed & ad cornua Uteri hunc excurrisse adverti; notavi autem quod promptior lactis quam cæruleæ TRæ in tubam fuerit ingressus. Verùm Doleana experimenta ad examen revocans semper frustra fui; atque miror Exc. DOLÆUM tauto experimento firmatum in Encyclopædiâ Medicinæ Theoretico Practicâ sententiam mutasse, & in Graafianam concessisse.

§. LV. Eo quoque generatio viviparorum ex ovo vacillabit, quod discrimen vesicularum in testibus fecundarum & steriliū determinari nequeat. Certè omnes idem ortus sui principium habent, modo æquè s. n. sint constitutæ; omnes enim à vasis spermaticis suum laticem accipiunt; & TRÂ gummi Gutta, ex injectione per ista vasa, intimam vesicularum tunicam infectam vidi, ex vesiculis autem, instando operi,
liquor-

liquorem propellere mihi non datum fuit. Quod si vero *vesicula vari-*
ant, casu quopiam aut per accidens variare intelligende.

§. LVI. Vulgo à *Patronis adverse sententia*, ab aliis confidentius,
modestius ab aliis *traditum, ac si liquoris in albumen per coctionem in-*
duratio genuinam fecunditatis notam suppeditaret; sterilesque judi-
candas, quarum humor non ita concrefceret; quas & *bydatidum* nomi-
ne nonnulli à reliquis discernunt. Sed à MALPIGHIO ista opinio expe-
rimento coctæ grandioris vesiculæ vaccinae; ab *Auctoribus vero Biblioth.*
Anatomic. aliâ molarum vesicularium cocturâ refellitur. Nobisq; observa-
tum quarumcunque vesicularum liquores, primum turbidos, mox & lacte-
scentes reddi, & si diutius in fervidâ aquâ detineantur, contractis tunicis ex-
tremum inspissari ac concrefere; *cujus rei fides etiam fieri potest*, educto
ex vesiculis liquore, cochlearique exceptum candela igni admovento.
Falluntur qui eâdem morâ coctionis grandiorum ac minorum vesicula-
rum laticem condensatum volunt. *Natus aliquando partes vitulae ge-*
nitales cum vesicâ monstruosâ, testiculos undique vesicularum plenos
admiratus, ut justii ovarii speciem componerent; in singulis quinquaginta
& plures numerasses, adeò intus & extus densis stipati erant ordinibus;
eosdem coquens omnium vesicularum liquorem instar albuminis ovo-
rum concrevisse expertus sum; *simili in recens natarum puparum te-*
sticulis liquoris vesicularis à coctione condensatione. Ad quid tantus
foecundorum in vitulâ ovulorum numerus? ad quid qualiscunque in pu-
pis modo natis?

§. LVII. Sed ad DRELINCURTIANUM de *fœtu humano systema*,
quod Auctor *purum putum naturæ librum exscriptum* vocat, levi quâ-
vis aurâ ocyus nostra dubia evanescent. Certè *Virum illum eruditionis*
omnis, antiquæ & novæ, nec vanæ sed experimentorum tot repetitis labo-
ribus solidatæ, compendium veneratus sum semper, meisque nodis solven-
dis illum Alexandrum dari vellem. Sed non ægrè *Tanti Mystæ* manes fe-
rent, si dubiorum copiae in hac arenâ velitentur, donec *systematis istius*
virtutem ac robur periclitatæ fuerint, tunc quando sponte suâ in castra ejus
transitura victori herbam porrigent.

§. LVIII. *Multum autem à reliquis Drelincurtiana sententia ab-*
ludit in dogmatibus de conceptione, edicens, *femineis ovis spiritu perin-*
de cassis & inertibus ac ovorum albumen, derogandam prorsus esse em-
bryonis corporaturam; gratisque afferi in Ovario *feminarum ovula*
fecun-

fecundari: Sed ut non ex ovo, in ovo tamen, animalium omnium primordio communi, nequaquam vero pennigeræ singulari, nos generari; Natureque esse in proclivi ovulum nudum intra Uterum volutum atque revolutum offendere, atque sic illud undique impetere spirituque suo genitali, inibique geniali atque vivacissimo perfundere.

§. LIX. *Proclivitatem Naturæ ex Periochis distinctius percipe. Fimbrias Tubarum musculosas, quæ digitorum more sese & expandant & contrahant sanguine spiritibusque Veneris turgidulas huc illucque attolli atque vagari, (dones impetu cæco ruant in testiculorum amplexus) atque venereo suo complexu compressuque aliquam è testiculis vesiculam elidere, inque suas fauces detrudere, extremè maturam, Uteri sorptam vesiculam in cellulas pededentim devolvi, atque è cellulis tandem ambagiosis illis & nerveo carneis, quæ suis fibrillis sese circum ova contrahunt, in Uteri fundum usque demitti atque rotari,*

§. LX. *Istis de Naturæ in vesiculis dimittendis proclivitate, ex eisdem periochis fecundationis rationem succinctè subjicio: Protinus ac Uteri fundo ovum aliquod Conjugio sorptum est, & nostrum insuper semen in idem fundum sumus ejaculati, totus præ libidinis æstro gessit uterus, totusque contrahitur atque conglobatur. Illa igitur contractione atque conglobatione suam cervicem internam, suæque pariter oviductus ostia duo, tam arctè claudit, ut cuspidem acus ne quidem admitteret; Masculi vero seminis atomi acido-saline activissimæ atq; mobilissimæ, ac in simul penetrantissimæ in Uterum assurgunt, & ovum inibi orbiculatim & assultim impetunt, atque ita porulos ejus quaque versum subeant, relictoque ex his crassamento, ocyores in intima illius ovi penetrant sese subducant, atque inibi miliaris sese constipant in illos ordines quos ipsis summus rerum Sator ex suorum motuum ac figurarum varietate stupenda præstituit.*

§. LXI. *Hæc est Drelincurtianæ, quæ nostrum negotium respicit, sententiæ succincta synopsis: Sed nihilominus talem proclivitatem nature & fecunditatem à nostris dubiis impugnari facile, paucis ostendam. Neque adeo Lynceum DRELINCURTIUM credimus, ut istam fimbriarum contrectationem in viviparis inspexerit; cultri enim anatomici asperitas atque violentia vagum amoris æstrum in fimbriis illico compresserit. Et qui cæco impetu fimbrias ferri dixerit, quæ maturas solum vesiculas elidunt? Si spontè deciduæ sunt maturæ, quid opus est fim-*

briarum compressu? Sed veluti poma, aut pira, vitellive, ejusmodi maturitate decidua ova in Viviparis adhuc idoneis historiis probanda contendimus. *Quamvis* per tot tubarum ambages atque anfractus obicesque *maturorum devolutioni certum quoque tempus assignandum fuisset; quippe ante conjugium* nullo cæstro veneris fimbrias in eorum amplexus concitante, ea progredi negaveris; *fervente* autem *conjugio* serius sese offerent, quum ad anfractuosas istas tubarum angustias superandas morâ opus sit; *interea* ignis ille spirituum acido-salinus, lateribus Uteri humectis impactus, defervesceat aut expirabit: *Sin* gradus acceleraverint, verendum, ne in via crepent, imprimis ad angiportus, quos glutine tenacissimo scatentes vehementibus assultibus aperire necessum est. Ex eodem itaque dubiorum labyrintho *proclivitas Natura Drelincurtiana* sese expedire opus habebit, quum non ita proclives sint vesiculæ ac imber quando pluit.

§. LXII. *Fæcundationis* vero *portentosa* magis est ratio; *Uterum* enim ovulo abscorpto *mox contrahi atque conglobari* in qua naturæ officina DRELINCURTIUS epopta contuitus est? *Numquid* verò & ita coarctari vidit, ut granum papaveraceum, vel pisum etiam arctè cingeret? *an quoque* ista in bifidis sive Uniparorum, sive Multiparorum brutorum uteris coarctatio cognita? & *qualis* erit oblongorum processuum cornuumque conglobatio? *Sed* quando atomis feminis masculini ocyorem fulgure in ovulum aditum aperuit, pessulum oblitus est obdere, eademque velocitate quâ ingressæ sunt egredientur rursus; *Qui* enim penetrantissimis per ovuli sive januas sive fenestras aut porulos transitum exitumque negaverit, quum introitum concessit? *Si* a CrySTALLINO liquore figi aut detineri dixerit, potior jure erit uterus, quum prior tempore easdem excepit, humore non minus luxurians; præsertim quum activissimis atomis nec unico quidem momento feriari liceat, uterum primo impetu occupantes hunc subigent, quàm ut Ovuli occursum præstolentur.

§. LXIII. *Quædam* tamen *vivipara loco testium nacta fuisse ovarium ac ovis analogæ corpora*, intra quæ instar oviparorum foetus nascendi initium sumat, *eaque* saltem, quod ova non excludant, ratione partûs habenda vivipara, exemplo viperarum & aquatilium quorundam edocti, ambabus largimur.



COROLLARIA.

I.

De Lacertarum Ovis & Partu.

1. *Ovorum* intra *Lacertas generationem*, qualem *verno tempore* obviarum anatomæ subministrabant, §. III. edisseruimus, sed cum *Dn. Respondentis* curiosa industria ad julium adultum usque domi prægnantes aluit, quæ ovorum incrementa, & qualis foetus in iisdem deprehensa facies, paucis adjiciamus, ne pagella inanis relinquatur.

2. *Duas ventriosas*, alteram pridem, alteram mox emortuam dissecuimus: *In Utrâque* vitellorum formaâ rotunditate aliquantum deflexerat, magnitudine ad nigra officinarum cerasa accedente, pelliculâque crassiusculâ; *ista* septem, *hec* sex ova fovebat. Verum *in istius ovis*, crudis æquè ac coctis, *cicatrices* conspectui colliquatio subduxerat: *recentius enectæ* cruda per tunicam *cicatrices* albore à luteo distinctas egregiè conspiciendas præbebant, licet non una eademque *cicatricum* esset species, nec idem situs; in aliis enim circulari, in aliis vero oblongâ magis figurâ halo transparebat; atque in illis ad cacumen propius, in istis declivius comparabat: Neque tamen incisâ pelliculâ, quantâcunque accuratione uteremur, uti in vitellis Gallinaceorum, *cicatrices* aperte erat contueri, quod luteum illicò diffunderet, nec propriâ tunica se contineri pateretur, adeoque lentore *cicatrices* involueret; quæ & cocturâ disparebant.

3. *Matura* autem partui ova, & jam edita Celeberrimus OLIGERUS JACOBÆUS Musarum delictum, quâ solet perspicuitate & elegantia in observationibus de Ranis & Lacertis accurate descripsit; testâ quâdam tenuissimâ cingi, quæ parte anteriore rotunda est, posteriori tantillum acutiori, planè quemadmodum in ovis Gallinarum, si figuram solam spectemus; simili

scilicet pelliculâ, sed albâ prorsus, quâ subyentanea vulgo dicta ova investiuntur.

4. *Decem hujus modi ova*, proximè ante partum mortua nobis examinanda reliquerat: Nucleos Olivarum æquabant: incisa *liquores discretos* fundebant, ut ut albuminis exilis esset portio; cujus tamen color à coctione singularis, neutiquam luteo conveniens.

5. Sed quum per horum tunicas *Cicatrices* non translucere, in crudis & coctis ad cacumen, in aliis paulo inferius, *loco cicatricum*, *catulorum rudimenta* deteximus, primordiis pullorum ex cicatricibus nascentium fermè per omnia similima; desuper luteo incumbebant, tantillo albuminis aut colliquamenti circumfusa; corpuscula in globum quasi erant convoluta, quæ exempta & tepidæ injecta oculorum & capitis manifesta, artuum & caudæ obscuriora discrimina manifestabant; hæc quæ *microscopium* luculentiora sistebat. Teneriores catulos in ovis ex vivâ exemptis conspeximus; eundem fermè in modum variante situ; sed & in his corpuscula quædam in longum extensa animadvertimus.

6. Eadem fuit *facies ovi*, quod alia enixa fuerat; nimirum sub cespide viridi, qui in vitro ipsi hospitium paraverat, quatuor ova abscondiderat, tria cohæsu juncta, quæ intacta reliquimus; solitarium contemplati, paulo majusculum observavimus, atque incisum foetus etiam *insigniore & distinctiore specie* exhibuit; *liquore gelatinoso albo* pariter circumfluo: Reliqua autem è quibus ut catuli progrederentur spes fuerat, post plures dies ex terrâ eruta, corrupta luteum coagulum condensatum monstrarunt, prætereaq; nihil.

7. His quibus ut puto *analogia oviparorum quadrupedum & avium* manifestior redditur: Atque quod *quadrupedum ova citra incubatum catulos excludunt*, ad illud conferre autumo, quod intra uterum in vitam jam animatos foetus eadem simul in lucem proferant.

II.

De Lacertorum genitalibus & cauda.

1. *Testes* maribus intus, subrotundâ figurâ, fermè reniformes: *Penis* verò geminus, non minus ac in viperis, quos premendo protrudes; sed in lacertis globosus ac quasi nodosus penis, quum in Viperis sit asper. *In femellis geminas vulvas* pariter deprehendisse visi sumus, exteriori quoque genitalis loci facie indicium præbente.

2. *Caudas* in pluribus *renatas* conspeximus, sed non eâdem proportionem gracilescentes: dissectæ ossiculis ac cartilagine destitutæ compertæ sunt.

III.

De Lacertorum analysi per ignem.

1. Quum aleremus Lacertos acris odor fracidus nares feriebat; atque quum *vivos scorpiones* per amicum tunc nactus fueram, illos lacertis objeci, si qua ut alia insecta eosdem consumerent; Sed lacerti quidem scorpiones non aggressi sunt, verum intra 12. horas scorpiones mortuos deprehendi; cujus rei periculum in aliis duobus vivis scorpiis feci, eodem eventu, ut tamen à lacertis & mortui intacti relinquerentur.

2. Cupido exinde incessit cognoscendi si quale volatile abundarent hæc animalcula, atque *Dn. Respondens* suam obtulit operam: Lacertarum itaque Libram, pondere in officinis Pharmaceuticis usitato, Retortæ indidimus; atque ubi leni igne ℥IX. liquoris recepimus, post aucto igne olei cum sale volatili ℥iſſ ℥iſſ in alio Recipiente deprehendimus: effusum oleum cum liquore sale imprægnato seorsim ad pondus medicum examinatum erat ℥j ℥j ℥j ut salis volatilis concreti sed ex oleo admixto impuri in Recipiente restarent ℥iſſ Caput mortuum ex Retorta exemptum ℥j æquabat: ut libræ lacerto-

certorum appensorum deessent $\text{ziii} \text{ } \mathfrak{B}$: quantum quidem olei aut salis volatilis vel capitis mort. lateribus vasorum adhæsit.

3. Liquoris ingratus quidem, sed sale volatili prægnans odor.

4. Oleum cum \ominus volat. in Recipiente permixtum eundem quem in destillatione CC. odorem diffundebat; idem odor ex Retortâ exhalabat.

5. Salis volatilis egregia erat species, ramis totum Recipientem pingentibus, qui pluribus in locis digitos expansos referebant.

6. Defœcatum \ominus volatile acrimoniâ nil quicquam sali volatili CC. concedit.

7. Ex Capite mortuo sal fixum eductum, sed quantitate exignâ; sapore salino, sed cui aliquid ingrati admixtum.

8. E frigidorum numero plerique propterea hujusmodi animalcula eximenda statuunt; nos tamen nihilominus eisdem accensenda judicamus; quum non nisi comparatè res intelligendæ sint frigidæ calidæve.

IV.

De Lacertis sub Campana Antliæ Pneumaticæ.

1. Quum Ranas & anguillas apud Amicos quantumcunque aëris exantlaretur ægrè extingui expertus essem, apud eosdem Lacertos geminos, marem & foeminam sub campanâ diu exercui: Mas cujus corporis major moles tandem diducto latè rictu oris nigras feces evomuit; foemella quoque, sed tardius, postquam conatum vomendi patulo ore aliquoties indicarat; Atque post anxietates hujusmodi subinde quieverunt immotæ, verum ut mox ad se redirent: Intumuisse quoq; visi, & aëre admissio detumuerunt, id quod & in Ranis contingebat, sed vitæ nihil decessit. Vivæque foemellæ postea anatome nihil p. n. detexit, pulmonibus rutilantibus expansisque, minimè collapsis.

2. Ex istiusmodi animalibus autem colligi potest, causas mortis enectorum sub Campana non ab aëris simpliciter, sed à convenientis defectu; neque à gravitate ejusdem aut levitate, sed ab alia istis animalibus per rarefactionem ad versa affectione petendas esse. Hâc enim sanguinem ita turbatum ex canum, felium, pullorum, murium, piscium sub campana enectorum anatomis conspeximus, ut in corde stagnans pulmonibus branchiisque motum denegarit prorsus. Præsectosque quorundam Pulmones ∇ & injectos fundum petiisse vidimus. Cor sane in omnibus sanguine turgidum experti sumus, quum Musculorum incruenta esset sectio.



